



# SLUŽBENE NOVINE

## KANTONA SARAJEVO

Godina XXVII - Broj 46

Četvrtak, 17. 11. 2022. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu čl. 23. i 37. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), Skupština Kantona Sarajevo na sjednici održanoj dana 11.11.2022. godine, donijela je

#### ODLUKU O IMENOVANJU KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO

##### I

U Skupštini Kantona Sarajevo obrazuje se Komisija za izbor i imenovanja i administrativna pitanja Skupštine Kantona Sarajevo.

##### II

Komisija za izbor i imenovanja i administrativna pitanja Skupštine Kantona Sarajevo osim nadležnosti iz člana 37. Poslovnika, obavljaće poslove u vezi sa izborom delegata u Dom naroda Parlamenta Federacije BiH.

##### III

U Komisiju za izbor i imenovanja i administrativna pitanja Skupštine Kantona Sarajevo imenuju se:

1. Elvedin Okerić - predsjedavajući,
2. Vitor Handžić - zamjenik predsjedavajućeg,
3. Davor Čičić - član,
4. Damir Marjanović - član,
5. Muamer Bandić - član,
6. Mahir Dević - član,
7. Ilijaz Pilav - član.

##### IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-46261/22  
11. novembra 2022. godine  
Sarajevo

Predsjedavajući  
Skupštine Kantona Sarajevo  
**Elvedin Okerić**, s. r.

#### Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj

36/14 - Novi prečišćeni tekst i 37/14 - Ispravka) i člana 164. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22), Vlada Kantona Sarajevo, na 244. vanrednoj sjednici održanoj 03.11.2022. godine, donijela je

#### UREDBU O IZMJENI UREDBE O SUBVENCIONIRANJU BORAVKA DJECE U PREDŠKOLSKIM USTANOVAMA NA PODRUČJU KANTONA SARAJEVO

##### Član 1.

(Izmjena člana 6.)

U Uredbi o subvencioniranju boravka djece u predškolskim ustanovama na području Kantona Sarajevo ("Službene novine Kantona Sarajevo", br. 9/20, 16/21 i 22/22) u članu 6. stav (2), iza riječi: "djecom" dodaje se interpunkcijski znak "zarež", a riječi: "pod uvjetom da ispunjavaju ostale kriterije za ostvarivanje prava na dodatak na djecu" zamjenjuju se riječima: "te da je ostvareno pravo na dodatak na djecu ili pravo na dječiji dodatak u skladu sa važećim pozitivno - pravnim propisima.

##### Član 2.

(Stupanje na snagu)

Ova uredba stupa na snagu danom objavljivanja u "Službenim novinama Kantona Sarajevo".

Broj 02-04-45291-1/22  
03. novembra 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 15. stav (1) Odluke o subvencioniranju rješavanja stambenog pitanja mladih ("Službene novine Kantona Sarajevo", broj 31/22), Vlada Kantona Sarajevo, na 244. vanrednoj sjednici održanoj 03.11.2022. godine, donijela je